

NY VALOSOA

Gazety misohe intelo isan-kerinandro
(Tolata - Alakamisy - Sabotsy)

VAOVAO

Alakamisy 8 oktobra 2020

Laharana 1077

Vidiny : 400 Ar

Tsehenoarisoa Rabenja 2**Baolina kitra**

4

Miantso an-dRajoelina sy Ravalohiara-hiasa

Rémi Vita Malagasy hilalao amin'ny Bayern

**FIFAMOIVOIZANA 3**

Tezitra amin'ny CUA ireo
mpitondra taksi-moto

**Valanaretina coronavirus 5**

1 no namoy ny ainy omaly, 33 ny
tranga vaovao, 110 no sitrana

Kolikoly sy fanaparam-pahefana 6

Nidoboka ny lehiben'ny
fonjan'Ambato Boeny

IZAY TIA MAHAFOY 5

Nizara vary, savony ary paty ho an'
reo zokiolona tao Anosiavaratra

Antananarivo Atsimondrano 5

Miasa ny depiote TIM

www.gvalosoa.com

gvalosoa@yahoo.com

facebook : gazety valosoa rakoto

Daka kely

Hay ve efa mikarakara fadim-bolana
indray koa nareo ry Boaikely a !

Fanampian'ny fitondrana 2

Mivoy
fampiadiana
vahoaka
hoy Esoakely
dit Bera



FIZARANA FANAMPIAN'NY FITONDRA

Mivoy fampiadiana vahoaka hoy Esoakely dit Bera

Tsikaritra fa mifono fanavakahana sy mivoy fampiadiana vahoaka any amin'ny faritany ny fizarana fanampiana atao'ny fitondrana, hoy Andriamatoa Esoakely dit Bera, kandida Ben'ny tanàna tao amin'ny Kaominina Ambanivohipitra Itampolo, Distrik'Ampanihy Andrefana, faritra Atsimo Andrefana. Tsy misitraka an'ireo fampiana ny ankabezan'ny tokan-trano any Toliara hoy ity farany, satria olona miisa 50 amin'ny olona 2000 ao anatin'ny Fokontany iray ihany no mba nahazo fanampiana, kanefa ny zava-misy ao an-drenivohitra dia tsy toy izany hoy ihany izy, mba hisakanana an'retro farany tsy hikomy na hitroatra amin'ny fitondram-panjakana. Nanohy fanazvana ity mpanao politika ity, fa na dia nisy aza ny fidinana nataon'ny Filoham-pirenena tany Toliara ny farany teo dia mponina avy amin'ny Fokontany miisa 3 amin'ireo Fokontany miisa 44 ihany no nisitraka ny fizarana fanampiana ary ny mam-palahelo hoy Andriamatoa Esoakely dit Bera dia



Esoakely na i Bera, mpanao politika avy any Itampolo Ampanihy Andrefana.

mbola nampanantenaina ny vahoaka, fa hozaraina isan'ambaratongany izany fanomezana izany kanefa tsy nisy tohiny izany hatramin'izao. Ankoatra izay, nilaza ity Ben'ny tanàna lefitra ny Kaominina Itampolo teo aloha ity, fa nanangona vola be ireo olona mpiara-miasa amin'ny Fitondram-panjakana hanatanteraka ny tetik'asa Fihariana, hanampiana ny vahoaka any antoerana, kanefa tsy hita popoka izany tetik'asa izany mandrak'ankehitrini

ny ary manampy trotraka ny zava-misy ny fisian'ny tsy fandriampahalemana any amin'ny faritra Atsimo Andrefana, ao anatin'izany ny fanafihana tokantreno sy ny halatr'omby na any ambanivohipitra na an-drenivohitra. Nanohy ny fanehoan-kevitra Andriamatoa Esoakely dit Bera, fa tsy tokony hiroso amin'ny fididianana Loholona ny fitondram-panjakana, satria fandikana ny Lalamparenana izany ary Lalamparenana izay novolavolaina sy nolaniana nandritra ny fitondrana Tetezamita kanefa noverenan'ny Filoham-pirenena nohitsaktsahana indray amin'izao fotoana izao. Nilaza ity mpanao politika ity fa tokony ho vitaina aloha ny tohin'ny fididianana Ben'ny tanàna sy ny Mpanolotsainan'ny tanàna, izay no faritan'ny Fitsarana misahana ny Raharaha-panjakana, taorianan'ny fanatantehana fididianana Kaominaly farany teo, avy eo miroso amin'ny fididianana Governora na ny lehiben'ny faritra, sy ny Mpanolotsaim-paritra. Ireo rehetra ireo hoy izy no mandrafitra ny mpifidy vaventy

izay tokony hiara-hifidy Loholona, miaraka amin'ny Ben'ny tanàna sy ny Mpanolotsainan'ny tanàna amperin'asa ankehitriny. Ankoatra izany nanamafy ity Ben'ny tanàna Lefitra tao amin'ny Kaominina Itampolo teo aloha ity, fa tsy rariny ny fampihenana ny isan'ny Loholona, izay hataon'ny fitondram-panjakana amin'izao fotoana izao ary tokony ho natao 22 ny isan'ny Loholona, mba hisy hisolontena ny faritra misy azy tsirairay ny Antenimierandoholona. Namarana ny fanehoan-keviny Andriamatoa Esoakely dit Bera, mankistraka ny fampivondronana sy ny fitakiana atao'ny hetsika Panorama sy ny Rmdm amin'izao fotoana izao, satria tsy zakan'ny vahoaka intsony ny toedraharaha ankehitriny ary tokony ho tsinjovin'ny Filohampireneny vahoaka amin'ny alalan'ny fanova-tanteraka ny Governement, sy fanesorana an'ireo olona manodidina azy izay tsy mahomby, eo ihany koa ny fisokafan'ny fitondram-panjakana amin'ny hery mpanohitra hiara-hiasa aminy.

Franck Razakambelo

Tsehenoarisoa Rabenja

Miantso an-dRajoelina sy Ravalohifanatona sy hiara-hiasa

Mitondra ny fahitany ny raharaha-panjakana amin'izao fotoana izao ny mpanao politika sady Administratera Sivily, Tsehenoarisoa Rabenja. Mahakasika ny firaitsankinam-pirenena hoy izy, mialatsiny aho raha vantam-piteny, satria vitsy ny mpanolo-tsainaahasahy hiteny toy izao hambarako manaraka izao. Efa mpanoefeo ianareo, samy

Fanonerana ireo gadra politika

Hanampy ny FEDEP ireo loholona hahazoany izany

Nitsidika ny filohan'ny Antenimierandoholona Rivo Rakotovao omaly tetsy amin'ny Lapan'ny Anosikely, ireo avy amin'ny FEDEP, Federation des ex-Déténus Politiques, federasiona ivondronan'ireo gadra politika teto amintsika. "Amin'ny alalan'ny fanadinana hentitra (interpellation) ireo minisitra tompon'andraikitra araka ny andraikity ny Antenimierandoholona voasora tra ao amin'ny Lalamporenana, no ahafana manome tanana anareo". Ilo no nambaran'ny Filohan'ny Antenimierandoholona, Rivo RAKOTO-VAO, raha handray ny mpi-kambana vitsivitsy ao amin'ny FEDEP. Nanotra azy tamin'izany ny

manana vola any ivelany ianareo fitsinjovana vodiandro ho merika, samy milaza ianareo fa tia tanindrazana. Fotoana reizao fa kere isika :

- mba jereo ny tombon-tsoam-pirenena.
- Mba jereo ny fahantreny gasy.
- Mba jereo Madagaskara fa mangasihasy,
- Tsy ho resy amin'ny mandat, na fotoam-pia-

sana iray izao krizy izao. Na ny firenena vaventy aza manaiky fa ho ela ny fanarenana.

-Tsy ho resin'antoko iray izao fahantrana farahidiny izao. Ianao Andriamatoa Filohampireneny Andry Rajoelina, sy ingahy Ravalomanana miaraka, hoy ihany i Tsehenoarisoa Rabenja no ho afaka hampiray hina ny Malagasy. Raha te handresy isika:

- mila firaitsankinam-pirenena izao fotoana izao, mba hiatrehana ny mpmatsy vola, ao mantsy ny hozatry ny ady, na nerf de la guerre.

- Mila tontolo politika milamina ahafa-miasa ampi-

niana, hampitombo ny harin-karena i Madagasikara ankehitriny. "Nous vous prions. Comportez-vous en hommes d'états responsables" : miangavy anareo aho hoy izy, mioroa ho tena ho mpitondra tompon'andraikitra ianareo. Arak'izany, miantso ny Filoha Ravalomanana sy Andry Rajoelina hifanatona sy hiara-hiasa ity mpanao politika, sy miasam-panjakana ambony ity ihany koa. Fanehoan-kevitra toy ny fanehoan-kevitra rehetra ny azy, ka ho hita eo izay ho akon'izany.

Isambilo

Taratasin'ny mpamaky

Hafatra ampitaina amin'ny gazety Ny Valosoa Vaovao izao manaraka izao: velaro indray ary ny tsihy e! Hiditra amina fepetra somary hafahafa ihany ny ministère de l'éducation nationale raha ny heno. Amin'ny ho fanafoanana ny fanadinana C.E.P.E. Inona no mety azon'izy ireo havaly amin'ireto fanontaniana vitsivitsy ireto:

-1/ Efa misy rafitra maty paika ve hampiakarana ny lenton'ny fampianarana sy ny fanabeazana eny amin'ny ambaratonga fototra , izay tanin-ketsan'ny fandrosana rahampitso ?

-2/ Inona no tena tanjona amin'ilay fanafoanana ny CEPE anefa io no hany motivation voalohany ho an'ireo zandry hiakarana amin'ny ambaratonga manaraka ?

3/ Tsy ampy ve ny vola hatokana ho an'ny fikarakarana fanadinana ary indrindra ho an'ny fanabeazana ?

4/ Inona no mason-tsivana hampiasaina raha toa ka hiakatra 6ème eny amin'ny CEG ny ankizy?

5/ Efa tratra ve ny tanjona amin'ny fampianarana ny

Ny Valosoa sy fakafaka

Tsy hita izay ezaka fitsinjovana ireo mpisehatra amin'ny fampianarana

Tsy nahavaha olana tamin'ny fahasahiranan'ireo ray aman-dreny nampiditra ny zanany nianatra ny fitondrana, tamin'izao miditra amin'ny taom-pianaranana vaovao izao. Niaka-bidy ny fitaovalam-pianaranan'ny mpianatra teny an-tsena. Misondrotra isan-taona rahaeto izany. Niady irey ray aman-dreny Malagasy marobe nanao izay hianaran-janany ao anatin'izao mbola hamehana ara-pahasalamana izao sy ny vokatrizany. Nisy aza ny tsy tafavoaka mihitsy noho izay fahasahirana lalina izay ka voatery tsy fidiny, fa tsy afa-manoatra, tsy nampiditra ny zanany an-tsekolty. Voatohintohina araka izany ny fanomanana ny fainan-koavin'izy ireo, ary tsy maintsy hisy fiantraikany amin'ny fainam-pirenena any aoriana ihany koa izany. Iza no tomponandrainkitra omena tsiny amin'izany?

Karazany nikimpiana ihany ny nirosoana tamin'ny fanadinam-panjakana entina hamaranana ny taom-pianaranana 2019 – 2020 sy ny idirana amin'izao taom-pianaranana vaovao izao. Tsy hita mazava izay fahazoana antoka ho an'ny rehetra misehatra ao anatin'izany manoloana ny fihanaky ny valanaretina covid-19, sy ny fanomezan-toky avy amin'ny tempomandraikity ny sekoly sy ny mpampianatra, ny amin'ny hamenoana ny fahabangana amin'ny fahajzana amam-pahalalan'ny mpianatra nandrity ny volana maro tsy nianarana. Amin'ny fomba ahoana no hamitana ny fandaharam-pianaranana matrika taom-pianaranana vaovao sy ny lesona tsy feno teo aloha? Sao dia ho lasa alasafay fotsiny ny fampianarana? Manan-jo hitaky izany ny ray aman-dreny sy ny mpianatra ary tsy avy aminy no antony tsy nianarana tao anaty volana maro. Misy tokony hifanarana amin'ny sekoly amin'ny faran'ny taom-pianarana raha tsy vitany ny nameno ny fahaizana amam-pahalalana banga. Tsy lavina, tsy fahadisoan'ny sekoly koa izany, kanefa niaraha-nahita sy nahalala tsara fa tsy nisy fileferana mihitsy ny sekoly nitaky ny saram-pianaranana tamin'ireo volana tsy nianaran'ny mpianatra fa tsy maintsy naloa izany. Ny setrin'ny tsy fandoavana izany dia ny tsy fahazoana "bulletin".

Mbola mila fandaminana goavana ny seha-pampianaranana fa maro loatra ny olana misy ao anatin'y. Ny fitondrana dia tsikaritra ho manampy olana ihany ao anatin'y, indrindra rehefa misy kajy politika izay tadiaviny ampifangoarana aminy. Ny vahaolana entiny anefa, zara raha mampitony vetivety monja ihany, fa mba mitsabo fotsiny izy. Ny olan'ny ray amandreny tsy voavaha, ny fitsinjovana marina ireo zaza Malagasy mianatra tsy hita soritra mazava, ny fampianana sy fanaraha-maso ireo sekoly rehetra tsy vitany, ary indrindra ny fanomezan-danja ireo mpampianatra hita ho manjavozavo lava. Tsy tsara ho an'ny firenena izany toe-javatra izany.

Radafy

olom-pirenena amin'ny hahaizana hamaky teny sy manoratra, ka tsy ilaina intsony io Diplôme io?

6/ Misy baiko avy amin'ireo firenena manome vola ve izao endrika fanabadoana ny firenena izao sy fapanotehana mihitsy ny fampianarana sy ny zaza Malagasy?

7/ Raha tsy maintsy ho tanterehana io hevitra tainina io , hampianatra ny zanakareo na ny zafinareo eny amin'ny EPP eto Madagasikara ve ianareo, sa ny anareo hianatra any ivelany ary ny Gasy hoba-doina?

Tandremo anefa fa ireo kilonga ireo no ho avin'ity firenena ity. Rehefa bado ireo mora foana ny hampiantrana ny vahoaka rahampitso.

Koa miangavy valiny mahafa-po tempoko.

NB: Cherche gardien ayant CEPE.

Daki Singa
Mpampianatra mpikaroka,
taranja Physique-Chimie

Ny Valosoa sy hadihady

Fitondrana Rajoelina

Sahirana ara-bola, ny kôrônaviriosy no nahazoany ampaham-bola

Afaka volana vitsivitsy dia ho feno roa taona ny nijoroan'ny fitondrana tarihan'ny filoha ankehitriny Andry Rajoelina, tsy dia hita anefa izay asa mivaingana, fa dia toy ny mbola ao anatin'ny fampielezankevitra ihany no fahitana ny fihetsik'ireo mpitondra, tsy hita taratra ny fahombiazen'ilay velirano, tsy mbola nisy rahateo ny famatsiambola nisongadina avy amin'ireo mpiara-miombon'antoka iraisampirenenia, Ingahy Filoha rahateo moa efa namoaka vava fa na amin'ny taona 2030 na 2060 aza isika malagasy tsy ho tafarina raha mbola ireo mpamatsy vola mahazatra ireo no iaraha-miasa, fa mahita lalambola hafa izy ka isika indray no mety hampindrana ny Nosy Kaomoro.

Balaoasy araka ny fiteny any amin'ny faritra atsinanana avokoa anefa ny nambaran' Ingahy Kandidà, fa ny zava-misy dia sahirana ara-bola ny firenena, zara aza nisy ny koronaviriosy nahazoana ampahambola avy amin'ireo mpamatsy vola mahazatra, izay nambara fa tsy hampandroso ny firenena, sady noharraotina koa ny fisian'ilay valan'aretina nahazoana nametraka ny fepetra fangejana toy ny hamehana ara-pahasalamana, sy hanilihana ny tsy fahombizana rehetra .

Mikasika ny famatsiambola azo avy amin'ireo mpiaramiombon'antoka iraisampirenena dia azo lazaina ho kely dia kely ny vola azontsika malagasy raha mioratra amin'ny azon'ireo firenena afrikana sasany, izay vitsy mponina lavitra noho isika, ny antony dia tsy mahatoky ny mpitondra Malagasy ireo mpamatsy vola, satria tsy misy ny fangaraharana eo amin'ny fitantanana ireo fanampiana, tsy tena hita miantraika amin'ny famahana ny olana mianjady amin'ny vahoaka ny fampiasambola, fa toa ny « oerero » no betsaka.

Tspan'ireo mpamatsy vola ihany koa fa tsy misy ny fanampiana ireo sehatra tsy miankina, izay tokony ho kitro ifaharan'ny fanarenana ara-toekarena, fa dia mbola tsy maintsy aloa ny hetra, fanemoram-potoana no nomena, fa tsy fanafoanan-ketra na amnistie fiscale ary ny fampindrambola natao ho an'ireo mpiasi tsy miankina amin'ny fanjakana dia miendrika fanambakana, satria ny latsakemboka naloan'ny mpampiasa sy ny mpiasa tany amin'ny Cnaps ihany no ampidramina azy ireo .

Mikasika ilay hamehana ara-pahasalamana dia fana-raraotam-pahefana no azo ilazana azy satria ilay "requisition" atao amin'ireo mpampahalala vaovao dia miendrika fanerena tsotra izao , ahafahan'ny fiton-

drana mivoy ny hevitra ara-politika tiany ampiharina eto amin'ny firenena, asaina miasa talata ireo haino vaky jery, ankoatr'izay mbola tsy marim-potoana ireo mpitati-baovao, kanefa efa fito volana no nanaovana ilay asa, Ramatoa Pr Vololontiana Hanta MD tokony handray fepetra hanery ireo mpaka antontan'isa ahangavan'ny tarehi-marika ara-potoana , sady amin'izao fotoana izao koa anie efa maro ireo fitaovan-tseraserera hari-fomba ahazoana vokatra marina sy hain-gana e ! Fa ankoatr'izay, raha avy amin'ny Pr no mety mahatonga ny fahadisoam-potoana noho ny andraikitra hafa sahaniny, azo atao anie ny manome andraikitra olon-kafa e, satria ny famakiana ny antontan'isa dia tsy zava-tsarotra, fa na dokotera na « paramed » aza mahavita an'io .

Fa ohatra iray amin'ny fanambarana politika na-taon'Ingahy filoha ilay tany Taolagnaro tao anatin'ny fandaharana « bôjo » nandeha tamin'ny haino amanjery samihafa isa-tapa-bolana, ny nilazany fa tsy hanao politika intsony hono izy raha tsy vita ny lalam-pirenena faha13, izay marihana fa famatsiambola efa nosoniavin'ny fitondrana Rajaonarimampianina ,fa dia namantam-bonona Ingahy Rajoelina , fa ny andrasana amin'ity fitondrana mitondra ankehitriny ity , dia ny fisian'ny famatsiambola vaovao izay asan'ny mpitondra amperin'asa madiodio ny tokony hitady izany. Momba ireo fanamby nataon'Ingahy filoha tamin'ny tokony hiverenan'ireo nosy malagasy tamin'ny 26 Jona lasa teo, dia mbola navotan'ny kôrônaviriosy ny fitondrana satria zara aza nisy ny valanaretina nahazoana nanihika ny tsy fahazoana ireo nosy ireo, ary ny fanamarihana ny 14 Oktobra aza aleo nofoanana mihitsy, satria mbola tsy misy mangirana ny momba ireo nosy malagasy .

Betsaka ny tiana hambara fa ny azo amehezana azy dia tsy mahomby ny fitantanana ny firenena, miteny ho azy ny sary tany Taolagnaro , raha mijery ireo vahoaka mpiray firenena amintsika tamin'ny televiziona, fa dia taolana maro no nasaina nihoby sy nitehaka an'Ingahy sy ireo mpanao gazetiny , tsy manana aro-vavaorona, ary tsy manaja ny fepetra ara-pahasalamana, fa dia mifangaro tsy misy elanelana, kanefa moa akory atao fa ny lehibe aza tsy mandrara, sady ny fisian'ny kôrônaviriosy koa anie dia nanome vahana ny fitondrana tamin'ny lafiny rehetra, izay koa no mety natatonga ny fandavan'ny fitondrana ny fakanatonana ny sisintany tamin'ny fotoan'andro.

Ny Valosoa

FIFAMOIVOIZANA

Tezitra amin'ny CUA ireo mpitondra taksi-moto

Tezitra amin'ny kaominina Antananarivo Renivohitra (CUA) amin'izao fotoana ireo mpitondra taksi-moto sy ireo mpitondra moto sasany. Nisy ny fanapahan-kevitranoraisin'ny mpitantana ny tanan'an'Antananarivo Renivohitra ny hamongorana ireo taksi-moto, izay nolazainy fa tsy manara-dalàna . Maro be anefa ireo moto voafaokan'ny fiarabe sy nogiazana tamin'izany. Vo-kany, nitaraina sy nitabataba ary nimenomenona ny mponin'Antananarivo, satria izay moto rehetra nitondra olon-droa , na tsy taksi-moto aza, dia avy hatrany dia noraofina avokoa niaraka tamin'ny taratasiny.

Ny olana dia tsy nomena taratasy (contravention) ireo tompona moto fa andro vitsy aty aoriana vao asaina maka izany etsy amin'ny lapan'ny Tanàna Analakely . Koa mipetraka ny fanontaniana, inona no taratasy manaporofa fa nalain'ny fivondronana ny moto? ny tsy fanomezana taratasy mantsy dia azo adika koa hoe: afaka mandà ho tsy naka ny moto izany ny polisy monispaly naka azy, satria tsy misy porofo am-pelatanan'ny tompona moto manamarina fa nalaina ny moto-ny. Vokany: naneho ny tsy fahafaliany nanodidina ny lapan'ny tanan'an'Analakely ireo tompona moto marobe omaly, noho ny zavatra mampikorontana ataon'ny mpitantana ny tanan'an'Antananarivo: Vazahabe sy ny mpiara-miasa aminy, izay efa zatra manampatra fahefana nandritra izay fotoana nitondräny izay .

Helisoa



Ny hetsik'ireo mpitondra moto tetsy amin'ny Lapan'ny tanan'an'Analakely omaly.

TONONKALO

RY MPAHAY LALÀNA TRANAINY !

Aza mijanona ho mpahay lalàna
Mpanohana an-jambany ny fitondrana,
Fa 'ndeha , mirosoa ho mpanaja lalàna,
F'izany no tsy ampy amin'itonny tanàna .

Ny "andinin-dalàna" ventesina lava,
Raha hoe hikabary dia "savony vava".
Kanefa rehefa hampihatra an'ireny,
Dia "maisatra be" hoy ilay fomba fiteny !

Rehefa lalàna toa mety amin'ny ngeza,
Sy azo tefena hiarovana sezà,
Dia 'ndreo iretsy "mpahay lalàna tranainy"
Fa miaro azy mafy amin'ny lesona hainy !

Fa raha mba hiarovana iretsy vahoaka,
Dia moana tanteraka tsy misy hapoaka ,
F'izany , hono, mantsy ireo "mpahay lalàna"
Mba bebe taona amin'itonny tanàna !

Ny "seza" sy "kabaka" no ao an-tsainy,
F'izany no "mpahay lalàna tranainy" !
Ny soa iombonana tsy mba jereny,
Sy ny hampandrosoana an'ity fireneny.

Ny "seza" sy "kabaka" no ifikirany
Ny an'ny vahoaka "tsy misy idirany" !
Rehefa manjelatra ny ankohonany
Dia ny madinika indray no "rahonany"!

Fianam-pirenena

Voarefy amin'ny fomba fandraisany fepetra ny mpitondra

Efa miaina amin'ny goragora sy gaboraraka sahady ankehitriny ny sehatateram-bahoaka na dia napetraka aza ny fepetra ara-pahasalamana. Tsy hita intsony na zara fa misy taxibe manome « gel » ny mpandeha ao aminy. Mihamiseho ny fampiasana ny seza afovoany rehefa lalana tsy misy polisy na amin'ny harivariva. Ny "visière" dia efa lasa kasikety tanteraka. Mbola hita kosa tsindraindry aloha, ireo mpamendraka fanafody eny amin'ny faran'ny fiantsonana. Fa amin'ny ankapobeny, efa miha-manjavona miandalana ny fana-jana ny fepetra samihafa. Tsy hita intsony araka izany izay mba fandraisana andrikity ny kaoperativa iasàn'ireny fiara fitateram-bahoaka ireny, ary ny antokon-draharaha misahana ny fitaterana an-taney (ATT), dia efa hita hatramin'ny ela na dia tsy tao anaty fotoanan'ny hamehana ara-pahasalamana

na aza, fa tsy nahavita ny andraikiny tanteraka izay nianteherana aminy. Nambaran'ny tomponandraikity ny fiadidiana ny tanan'an'Antananarivo, fa miala ao anaty goragora ny mponin'ny renivohitra, ka ho ampiharina ireo fepetra maro samihafa hifehezana azy. Efa nisy ireo niharan'izany toy ireo mpivarotra maro ka noravàna ireo toeram-pivarotany. Hanaraka amin'izay, hono, ny fepetra hentitra mifandraika amin'ny zavatra hatao isan-karazany eo amin'ny fainana andavanandron'ny mponina. Nahabe resaka sy adihevitra tamin'ny maro ireo fepetra ireo tato ho ato, satria hitany sy tsapany fa toa tafahoatra sy tsy am-piheverana loatra. Ho an'ny maro dia iniana harangaranga mihitsy ilay fanasaziana amin'izay tsy mifanaraka, sy tsy metimety amin'ny tomponandraikity ny tanàna. Nilaza ny ao amin'ny Lapan'ny tanàna, fa misy ny fanabeazana atao. Voateny koa anefa ny amin'ny hoe: rehefa tsy manao fahadisoana dia tsy voasazy. Ilay tsy fahadisoana izay mifototra amin'inona ny namaritana azy? Eo indrindra no olana satria raha tsy mifanaraka amin'ny kolontsaina mahia Malagasy sy ny soatoavina Malagasy dia hafahafa ihany. Ary raha lavitra an'izany, fa nakaná tahaka amin'ny any ivelany dia tsy ho tafavoaka. Ho rano araraka an-damosin'ny gana ihany izany, ka handalo fotsiny dia hivrina amin'ny teo aloha ihany ny zavatra hitranga eo anivom-piaraha-monina. Aoka hazava, fa tsy ny fanasaziana, na atao faran'izay henjana aza, no hahomby amin'ny fanabezana ny mponina. Hadisoankevitra izany, indrindra raha mahalala tsara ny toe-tsaina Malagasy marina. Tsy mahomby velively ny hoe hanabe, ka ahindrahindra ny fanasaziana. Ahitana porofon'izany eny

Sôh'son

BAOLINA KITRA

Rémi Vita, Malagasy hilalao amin'ny Bayern de Munich

Hisy Malagasy manomboka izao, hilalao baolina kitra any amin'ny ekipa tompon-dakan'i Europa eo amin'ny isan-tarika dia ny Bayern de Munich izany. Nalain'ny Bayern Munich (équipe B), na tarika faha-2 hilalao ao aminy tokoa i Rémi Vita izay teratany malagasy monina any Frantsa. 19 taona izy ankehitriny ary mpilalao tao amin'ny Klioba ES Troyes AC, niaraka tamin'i Rayan Raveloson teo aloha. 3 taona ny fifanarahana hilalaovany any Alemaina,

izany hoe hatramin'ny taona 2023 ny fifanarahana nataony. Mbola tsy fantatra ny teti-bidin'ny fifanarahana fa raha ny tambin'ny niofanany tao amin'ny ekipa hilalaovany teo aloha tany Frantsa nandritra ny 4 taona, tokony hahazo 10000 ka hatramin'ny 20000 euros izany ekipa hilalaovany teo aloha tany Frantsa izany. Vodilaharana anka-via no toerana hisy an'l Rémi Vita ao amin'ny Bayern Munich ekipa faha-2.

Lita



Rémi Vita, Malagasy hilalao amin'ny ekipa sangany any Europa.

Karinah

Mpanakanto mivoy ny « Afro beat »

Karinah, mpanakanto an-driambavilanitra nisafidy ny fivoizana ny « Afro beat ». Ity farany izay gadona ankafizin'ireo tanora tokoa ankehitriny.

Tombony ho an'i Karinah ny fahafahany milalao ny feo ambany sy manakatra ny avo. Tsy mionona ha-treto amin'ny famolahana ny « Afro beat » i Karinah, fa miezaka mivelatra amin-gadona hafa loko toy ny « slow », reggae », « sega » ary tsy mitsaha-mikaroka amin'ny fampiarahana ny ban-kira malagasy sy vahiny hanjary mozika vao-vao. Mirona amin'ny fi-ventesana an-dRafitiavana ny tononkiranay ary miezaka amin'ny fampi-tana hafatra sahaza ny sisam-batan'olona ihany koa izy ao anatin'ireo vazo vaorindra amin'ny gadona



I Karinah, mivoy ny gadona mihetsika.

mihetsika.

**Hanana ny ho aviny
mamiratra**

Nomarihan'i Fidy de l'Anôsy, tomponandraikitra voalahany eo anivon'ny tronom-pamokarana « Fi-

do prod » izay mandray an-tanana ny famolavolana an'i Karinah eo amin'ny lafiny mozika, fa mpanakanto hanana ny hoaviny mamiratra i Karinah. Manaporofa izany ny fankafizan'ireo liankanto sa-hady ireo vazony, hoy i

Fidy de l'Anôsy. Ampahany amin'ireny ny « Engagé » sy ny « Tompony Zah ». Ity farany izay efa tsy afaka am-bavan'ireo mpankafy tsy eto larivo ihany, fa hatrany amin'ny faritra manerana ny Nosy.

Tsetsatsetsa tsy aritra no ilazana fa tao anatin'ny fibohohana no namokaran'ny « Fido prod » ireo vazon'i Karinah ary ny nanta-tontosana sy nanaparia-hana ireo rindran-tsariny. Nampanantena ny hanajary hira sahaza ny fetin'ny faran'ny taona i Karinah, ho fanomezana fahafam-po ireo mpion-dana mozika mihetsika sy mafana. Tsy ho diso ihany koa anefa ireo mankafy ny mozika milamina.

Lalasoa R.

Sakafo Ny Valosoa



Lelanomby ritra indray no laoka amin'ny Sakafo eto amin'ny gazetinao androaany. Tsara raha hasiana lasary voatabia, na lasary tômaty miaraka aminy. Dia mazotoa homana tompoko.

NY VALOSOA sy Mahaso

Ny soa azo avy amin'ny poivron

Ny soa azo avy amin'ny poivron indray no Mahaso eto amin'ny gazetinao androaany. Ny poivron dia legioma manome tsiro sy hanitra ny sakafo. Legioma be vitamina C indrindra izy. Ireo soa hafa azo avy aminy:

- Manala tavy amin'ny vatana.
 - Mampihena cholesterol.
 - Miaro ny maladies cardiovasculaires
 - Miaro amin'ny arthrite.
 - Miaro amin'ny cancer ny nono sy colon.
 - Manampy ny ankizy sarotra mandray na mahazo zavatra -Manampy ny fiasan'ny taova sy ny tsinay any anaty.
- Afaka atao lasary izy, atao sauce vinaigrette, ary afaka andrahoina atao fangaron-daoka koa.



NY VALOSOA sy Mahaliana

Ny tanànan'Anoviara, any amin'ny distrikan'Andapa, faritra Sava

Ny tanànan'Anoviara, any amin'ny distrikan'Andapa, faritra Sava indray no Mahaliana eto amin'ny gazetinao androaany. Renivohitry ny kaominina Anoviara ity tanàna ity. Azo lazaina ho avo toerana izy satra 217 m ny haavony mohatra amin'ny ranomasina. Amin'ny maha-kaominina ambanivohitra azy, ratsy ny lalana mampifandray ireo samy fokontany ao anatin'y, sy mampifandray azy amin'ny renivohitry ny distrika: Andapa. Tantsaha avokoa ny ankamaroan'ny mponina ao aminy: 98,5% . Vokatra any Anoviara ny vary, ny lava-nila ary kafe.


Mazotoa mihira

Noho ny fangatahao mpamaky dia indro atolotra anao ity hiran'olondroa ity, izay antenaina fa tsy ianao nangataka azy ihany no afa-po fa ny rehetra mihitsy.

FEONIZA

Mpihira : Gabhy sy Lizah Rasetra
Mpamorona : André Titys (Randria André Urbain)

Hira malefaka iva dia iva

Kalo mangina sy toa mitaraina

No injany manako amin'ity takariva

Misandratra mora, mandrotsy ny saina

Feo miritsoka, haingam-panahy

Manaitra ny vetso, hiampita any ho any

Hira manafatra toa tsy ho sahy

Hisedra irery ny onjan'ny tany



LIZAH RASETA
GABHY


Asa, an'iza ary re 'zany feo (an'iza ny feo)

Satriko anefa raha toa ka any anao

Ilay feo manga vao reko aninkeheo (vao reko anikeo)

Tiako laingsana hatao kilalao

NY TENY FIAINANA



"Ary fantattro, ry Andriamanitro ô, fa Hianao no mamantatra ny fo ary mankasitraka izay mahitsy. Ary ny amiko, dia amin'ny hitsim-poko no nahazotoako nanatitra ireto zavatra rehetra ireto; ary ankehitriny efa hitako tamin'ny fifaliana ny olonao, izay vory eto, mazoto mitondra fanatitra ho Anao."

I Tantara 29:17

FIKAMBARANA IZAY TIA MAHAFOY

Nizara vary, savony ary paty ho an'ireo zokiolona tao Anosiavaratra

Fikambanana IZAY TIA MAHAFOY , nizara vary sy savony ary paty ho an'ireo zokiolona tao amin'ny fokontany 3 ao amin'ny kaominina Anosiavaratra, distrik'Antananarivo Avaradrano. Ireo fokontany 3 ireo dia Isahafa, Lazaina, ary Faravohitra Avaratra. Izao no natao dia ho fampiana azy ireo noho ny hamehana ara-pahasalama , mbola misy fokontany 2 tsy nahazo, fa tsy maintsy hahazo izy ireo, fa mbola manomana izany ny fikambanana araka ny nambaran'hy filohany Raparivo Raobelina. Ny fikambanana hoy ity farany dia niorina noho ny fisian'ny aretina covid 19 teto amin'ny firenena, ka



Ny filohan'ny fikambanana Izay Tia Mahafoy (ankavia), nanolotra fanomezana teny Anosiavaratra.

nitadiavanay hevitra ahafana manampy ny mpiara-belona tamin'ny nitavdianava mpiara-miombon'antoka sy malala tanana. Mbola tetikasa ny hanampy ny mpianatra madinika sy ny tanora ary koa fiarovana ny tontolo

iainana : fambolen-kazo, fanakanana sy fanentana ny tsy hisian'ny doro tanety. Ny fambolen kazo dia miompana amin'ny voankazo sy hazo fiham-boho.

Helisoa

Antananarivo Atsimondrano

Miasa ny depioite TIM



Ny depioite Alain Ratsimbazafy (ankavia).

Miasa ny depioite Tiako i Madagasikara (TIM) ao Antananarivo Atsimondrano, raha tarafina amin'ny asa iombonana nataon'ny depioite voafidy tao amin'ity distrika ity, Alain Ratsimbazafy, niaraka tamin'ireo vatan-dehilahy tao an-toerana. Raha tadinisika dia nisy ny fanombohan' asa izay natao, tany amin'ny kao-minina Antanetikely Ambohijoky hoy izy ny 25 aogositra lasa teo. Tsy inona izany fa TOHDRAZO iray lehibe izay manondraka tanimbary 1000 ha, tsy nandeha intsony nanomboka ny tao-nya 1971, ka ho harenina.

Valanaretina coronavirus

1 no namoy ny ainy omaly, 33 ny tranga vao-vao, 110 no sitrana

1 no lavon'ny valanaretina corona virus omaly teto Madagasikara, 33 ny tranga vaovao ary miasa 110 ireo sitrana. Arak'izany, 235 hatreto no lavon'ny tsimokaretna corona. Ny olona nitondra sy mitondra ny valanaretina dia 16633. Ny sitrana manerana ny Nosy hatramin'ny volana martsa dia 15808. Ny marary misy fahasarotana dia miasa 20, niampy 4 izy ireo omaly. Mbola mitoetra eto amin-tsika ny covid19, noho izany toko ny hitandrina hatrany ny tsirairay, tsapa anefa tato ho ato fa toa mivaha ny fanarahana

Centre de Commandement Opérationnel COVID MERCREDI 07 OCTOBRE 2020			
NOUVEAUX CAS	HIER	CUMUL	DIFF
5			
GUERIS	15698	15808	+ 110
EN TRAITEMENT	666	588	- 78
FORMES GRAVES	16	20	+ 4
DECES	234	235	+ 1

Nb. TESTS
PCR 17 MARS / 05 OCT 2020 73 747
GENEXPERT MARDI 06 OCT 2020 8 448
CONFIRMES 11 MARS / 07 OCT 2020 16 633

ireo fepetra ara-pahasalama toy ny fanaovana aro vava sy orona, nefo tena ilaina tokoa

izany ho fisorohana ity valanaretina mameley izao tontolo izao ity.

Aly



Vazaha Voretra, fakobe misavovona



Rova Kely : MAPAR PROD MANOLOTRA HO ANAREO MPONINA ANTANANARIVO VAZAH VORETRA.....

MANENJIIKA NY TEO ALOHA ERY NEFA TONGA EO TSY HITA AKORY ZE TENA ATAO FA FALY HITANGO VOLA FOTSINY DIA MI-ROULER RRRRRRR! NY FAKOBE MISAVOVONA ERAN'NY TANANA. IZAO HO AVY NY FAHAVARATRA SY NY VOANKZO ISAN-KARAZANY DIA VAO MAINKA HO FENO FAKO NY RENIVOHITRA.

Amm Rots : tena marina loatra izany, tsy mety afaka mihetsy ny fakon'Antananarivo, feno fako ny tanana, miarama amin'ny loto ny mponina ankehitriny satria tsy manao ny andrainy ny CUA sy ny SAMVA.

Ranaivo Ranaivoarimanana : marina.

Lydia Randriamanatoanina : tsy maninona io fa tranom-borona no vitan'ny vava.

Rhshanjy Djänë : marina, tena maloto a!

Verohanitra Nimaro : ataovy eny antokontaniny rehefa tsy voaalany.

Rā Tahina : mazava am zay zao fa ny fitondrana no voretra be, ...

Juju Masy : marina be.

Hany Andri : marina, tsy arakara-tarehy voajavatra ny eto larivo fa ny mifanohitra amin'izay.

Remi Rakotonandrasana : tena mazav wazy kkkkk! afabaraka ry nandra isany, kay izy no tena tsy maha afaka fako, nefo samy azy avokoa na ny commune na ny Samva.

Lucile Razakamamonjy : Kkkkkk !

Andoniaina Hasina Ratovoarison : werawera prod manolotra ho anao dedaka cvo+.

Razaka Christe : ny toetsaina nolovain'olona t@ Lalao ireny, fanarenana zao no ataon ben tanana vao2.

Veve Nomenjanahary : dia gaga ianao, raha mahay Vazaha Be tsy ny laiana potika rehetra eto sy ny fako be aloha no raofina fa ilaozana manao vavabe etsy sy eroa fotsiny.

Fanja Nirina Elysee : moramora ny manenjika fa rehefa tonga eo @ ilay toerana dia lasa sarotra be ny fanantenahana. Ny fitondrana vahoaka tom-poko tsy hazakazaka alika ka vitan'ny tranga lela. Vava ny tsy atao be ilay

mamerina azy no tsy laitra. Izao koa ny vahoaka no poretsina @ hetra.

Simone Sisy : manin ny teo alou no enehina foana nefo mitovy iany e!

Raissa Razaka : Simone Sisy ndao hangalana sady devant ohatry ny na-taon'ny sasany tam propavandy.

David Andriamboavonjison : Grrrrr,,

Zacta Andrianantenaina : le mponina any amin'io mihintsy no voretra f'anga tsisy dabapoko hono.

Desire Randriamandrisoa : mbola miandry alika mvovo vao raofina io.

Lee Fung : miandry olona mpandoko trano ndray ngamba rehefa tsy misy alika tratra mivovo, miandry hetran' alika ve sisa !?

Verohanta Andrianavalona : feno fako ny tanana nefo avy ny orana de mamofona be, fa aiza daholo reny camion jaune mpaka fako ren eee, sa maty sahadys, sa natao aiza?

Koloina Rabevazaha : ho avy ity ny fahavaratra, ho avy ny letchi, ny manga,... ho feno ny loton'ireny indray koa ny tanana dia mbola tsy voaala ihany. Mety ho rakotry ny valanaretina ny Renivohitra atsy ho atsy.

Irina Rabema : vazaha mihaingo am-bony tsikoko. Mi-geste am le kitapo otran ny mba olona ery nefo pays manantra indrindra eran-tany no entina . Ny tena marina nampahantrain ' ireto metisy vazaha sy karana ireto mihetsy isika Malagasy.

Barinala Dera : MBOLA ho raofiny AM VAVANY IO FA ALEO ALOHA BEBE SY MAMOFONA TSARA, NY FINANCEMENT NO IDEDADEDAHANA MANANGONA HETRA ZAO ,SY ZAO FANGAHA TENA TSY MAHAY MITANTANA MIHITSY NEFA MISEHO FAVY ERY (ODOYE , ANAFARO MERCENER, AVY ANY PALIS HANADIO FA NY CUA EFA TSY MAHAVITA.

Roger Rangodonariseheno: tamin'ny andron'i Neny, afaka ny fako tany anaty tanana rehetra tany, fa ny Samva izay notantanin'ny ministeran'ny rano no tsy nahavita ny asany, nitondra ny fako teny amin'ny daban-jaoridira nankany Andralanitra.

Stephane Zara: gaga zahay bôka amin'ny faritra mandeha Tanà, fa hay tsy mahavita azy i Maire Vazaha be ndreto ty!

TETEZAN'AMBOHIMANGAKELY

Lasa fanariana fako sy fanaovana maloto

Tsikiritra tato ho ato fa zary lasa toerana fanariana fako sy fanaovana maloto, ho an'ny Olombelona manam-pahanay ny ao ambanin'ny tetezan'Ambohimangakely. Manomboka mame-no ny toerana ireo akora plastika toy ny tavoahangy, rovitra sobika sy akanjo, fako avy any antokantrano... Maro amin'ireo olona eo amin'ny manodidina ihany koa no mivalan-drano sy ventiny ao ambany tetezana tsy antoandro tsy alina.



Ny tetezan'Ambohimangakely, feno loto ao ambaniny.

Mandrora mitsilany...
Tanteraka ara-bakiteny tokoa, araka izany, ny hoe : Mandrora mitsilany ka mahavoa tena ihany ireo mpanary fako sy mpanao maloto aoambany te-

tezan'Ambohimangakely. Maloto ary tsy ara-pahasalamana intsony ny rano mandalo ao ambanin'ny tetezan'Ambohimangakely noho ny fandotoana ataon'ireo maty eritreritra sasantsasany. Ny rano mikoriana ao, izay akora

fototra ilain'ny olona eny an-toerana, anasana lamba, hanadiovana ireo vokatry ny tany amidy eny an-tsena. Ity farany izay marihana fa efa nafindran' ny kaominina eo amin'ny tany malalaka manakaiky ny tetezana.

Lalaso R.

RN2

Nitrangana lozam-pifamoivoizana mahatsiravina tao Moramanga

Nitrangana lozam-pifamoivoizana mahatsiravina indray ny lalampirene-na faha-2 (RN2), tao Moramanga, faritra Alaotra Mangoro omaly. Fiara tsy mataho-dalana na 4 x 4 nandeha mafy sady nisongona tanaty fiolanana no nifandona tamina "Camion-semi", 12 km miala an'i Moramanga no nitrangan'ny loza. Ho any

Toamasina ity fiara tsy mataho-dalana ity, naratra mafy ireo tao anatin'ny ary nanano-sarotra ny famoahana azy ireo tao anatin'ilay fiara. Ireo mponina manodidina no nampy tamin'ny fisokirana ireo naratra. Potika tante-raka ilay fiara ary nivadika ambony ambany.

Niaina



Ilay fiara 4 x 4 niharan-doza omaly tany amin'ny RN2.

Fananan-tany

Mamaritra ny taniny ny Zandarimariam-pirenena Moramanga



Ny fandrefesana ny tanin'ny zandary ao Moramanga.

Kolikoly sy fanaparam-pahefana

Nidoboka ny lehiben'ny fonjan'Ambato Boeny

Eo amin'ny resaka ady amin'ny kolikoly, araka ny vaovao nampitain'ny Biano, na ny Biao Mahaleotena misahana ny ady amin'ny Kolikoly any Mahajanga, faritra Boeny, nidiboka am-ponja ny lehiben'ny fonja, na ny Chef d'Etablissement any Ambato Boeny, noho ny kolikoly sy fanaparam-pahefana nataony. Nanao ny fanadihadiana sy famotra tany an-toerana ny



Ny biraon'ny Bianco any Mahajanga, faritra Boeny.

Bianco Mahajanga, nam-piditra vonjy maika azy kosa, eo am-piandrasana ny fitsarana, ny Tribonaly

Ialana amin'ny fidiran'ny olona amin'ny taniny, mivrina mamaritra ny taniny amin'izao fotoana ny Zandarimariam-pirenena ao Moramanga, faritra Alaotra Mangoro. Tontosaina mandritra ny 10 andro ny famerenana amin'ny laoniny ireo "bornes", na ny fananan-tany "tires" ao amin'ny kazerina "TRISTANI" ao an-drenivohitra Bezanozano. Nomboka ny 5 oktobra teo, ka hatramin'ny 18 oktobra 2020 ho avy izao no hanatanterahina izany hetsika izany. Nisy ny fampahafantarana sy fam-

piomanana mialoha hoan'ireo fokontany sy ireo mponina manodidina rehetra, tamin'ny alalan'ny peta-drindrina sy ny filazana am-bava samy hafa momba izany. Mety hisy arak'izany ny olona tsy mainsts hiala amin'izany faritry ny tanin'ny Zandarimariam-pirenena izany. Miara-miasa amin'ny fana-tanterahana ny hetsika ny zandary any an-toerana, sy ny sampan-draharahan'ny fandrefesanta ny sampan-draharahan'ny fananan-tany.

Aly

Ambaratonga Voalohany any an-drenivohitra ny faritra Boeny. Iampangana ity lehiben'ny fonja ity ny fanodinany ny sakafio sy ireo zavatra samy hafa tokony homena ireo voafonja. Manana tany mirefy 300 ha ity fonja ity, manana alalana hampanofa izany amin'ny tantsaha manodidina izay lehiben'ny fonja any an-toerana. Ho takalony, ny 200 kg amin'ny vokatra miakatra

isaky ny hekitara dia tokony hatao ho sakafon'ireo olona migadra ao Ambato Boeny. Namidin'ity lehiben'ny fonja ity sy nakany tombony tamin'ireo mpanangom-bokatra tany an-toerana anefa izany vokatra niakatra izany, fa tsy nomeny ho sakafon'ireo voafonja. Ka izay no nanenjehana azy izao ka nidirany am-ponja.

Niaina

By-pass

Lehilahy nitaingina bisikileta, maty voafaokana taksibe

Nisehoana lozam-pifamoivoizana namoizana ain'olona omaly vao maraina teny amin'ny By-pass, amin'ny faritra manodidina ny renivohitra iny. Lehilahy iray nitain-gina bisikileta no maty tsy tra-drano, voafaokan'ny taksi-be zotra E avy any Ambohimangakely izy, rehefa handeha hamony asa maraina. Mila mitandrina hantrany noho izany, na ny mpitondra bisikileta, na mpitondra taksibe amin'iny faritra iny, satria tsar any lalana, ka samy te-handeha mafy avokoa, ny loza anefa tsy mampiomanana, milo mailo hatrany noho izany ny mpampiase ny lalana.

Niaina



Loza nitranga teny amin'ny By-pass omaly maraina.

Maty voatifitra i Dodony

Dahalo nampihoroho an' Amboromalandy Marovoay

Miara-miasa akaiky amin'ny fampanjakana ny fandriampahalemana any amin'ny faritra Boeny amin'izao fotoana ny miaramila miasa any amin'ny faritra iny sy ny fokonolona. Nisy ny fanarahana-dia nataon'ireo miaramila avy amin'ny holafy 406/1RM4 tamin'ny fiandom-han'ity herinandro ity, ka nifanehitra tamin'ny dahalo tao Mangatelo, kaominina Anjajia distrikana' Ambato Boeny, faritra Boeny izy ireo. Vokany: tafaverina ny omby 19 nangalarin'ny dahalo ary lavo nandritra ny fandondonana ny dahalo antsoina hoe Dodony izay nampihororo ny mponina tao Amboromalandy Marovoay. Mbola miantso fira-sankina amin'ny fokonolona hatrany ny mpitandro filaminana amin'ny fanomezam-baovao iadiana amin'izay tsy fandriampahalemana izay.

Stefan



Ny sasany amin'ireo miaramila miara-miasa amin'ny fokonolona, miady amin'ny tsy fandriampahalemana.

Mpiandry rahahaha

PHARMACIES DE GARDE
03/10/2020 hatramin'ny
10/10/2020

- MAHAMASINA (Mahamasina) 020 22 545
58/020 22 545 59/034 07
545 58

- ISORAKA (Isoraka) 020
22 285 04/020 22 694 12

- CAPITALE (Rond point
Ankazomanga) 020 23
610 00/032 12 610
00/033 28 693 88/034 25
610 00

- AMPANDRANA (Ampandrana) 020 22 258 99
/ 034 19 341 82

- RABARISOA (Andra-
voahangy près BOA ex
imm Soloprix) 020 22 229
86/034 07 229 86

HJRA (urgences) :
033 11 890 58 /
22 279 79

HOMI Soavinandriana :
22 397 51

Hopital Befelatana :
22 223 84 / 22 6 N72 21

Hopital
Lotera Ambohibao :
22 441 88 / 22 485 17

Clinique des Soeurs
Ankadifotsy : 22 235 54

Ambulances municipales :
22 200 40
Jirama:

Telma : (22)3547 (n° vert) /
Airtel : 03 35 47 / Orange :
032 32 3547

Pompiers :
Tél : 118/22 250 18/
22 225 66

Police :
Hôtel Central de Police :
17 / 22 227 35 / 22 357 09

1° Arrondissement
Tsaralalana : 22 280 54
2° Ambanidina : 22 309 46
3° Antananarivo : 22 291 30
4° Isotry : 22 280 51
5° Mahamasina : 22 280 48
6° Ambohimanarina :
22 225 52
7° 67 Ha : 22 291 29
8° Analahahitsy : 22 493 25
Brigade criminelle :
22 216 78 / 22 210 29 /
22 674 83 na 84

GIR : 22 227 35

Gazetim-baovao misého
intelô
isan-kerinandro
Vidiny: 300 Ar
Adresy: lot T 70 Ankadindratombo

TALEN'NY FAMOAHANA :
Rahelisoa A.
034 79 07600

MPANAO GAZETY

Politika:
Isambilo: 033 24 783 65
Rajo: 033 80 022 53
Andry Tsiavalona 032 07 744 55

Toe-karena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanatanjahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrahana 1077-10-2020
Isan'ny natonta: 10 000

Sy azo adika, na alain-tahaka, na
antsaina ampahibemaso
raha tso ahyoana alalana vita
soratanana avy amin'ny
tompony

KAOMININA TALATA VOLONONDRY

Manao bondongerona tsy manaiky fifampiresahana amin'ny vahoaka

Manao bodongerina fa tsy mba misy fifampiresahana amin'ny vahoaka rehefa mandray fanapahan-kevitra goavana, ny ben'ny tanàna sy ny mpiara-miasa aminy ao amin'ny kaominina Talata Volonondry distrikian'Antananarivo Avaradrano. Raha ny vao-vao azo avy any an-toerana dia :

Hazo (bevhokha ny anaranay), efa naniry amanjato taona teo akaikin'ny biraon'ny kaominina tonga dia notapahany tsy nierana akory nefo Talata irery no anisan'ny manana azy. Vokatr'izany malahelo avokoa ireo olobe ao an-toerana.

Mpivarotra koba sy saosiy ao Talata izay anisan'ny vakoka ho an'ity kaominina ity, tadiavina hafindra any an-tampon-tsena, kanefa io no anisan'ny mam-palaza ny tanàna. Ny olona tsy hiakatra any hiansena raha hividy koba, fa 2 min na 5min no hijanova nany eo, dia eo amoron' arabe eo izy ireo no mi-



Ny biraon'ny kaominina ao Talata Volonondry.

vidy. Maty ny tanàna raha miala eo ireo mpivarotra koba sy saosiy ireo, hoy ny fanambaran'ny solon-tenan'ny mponina sy mpivarotra avy any an-toerana.

Ny tsena indray dia atao'ny ben'ny tanàna parking.


Marihina fa tsy eken'ny ankamaroan'ny olona ireo fanapahan-kevitra ireo sady tsy nangalana ny hevity ny vahoaka, ka mahatonga ny olona hie-ritrera hidina an-dalambe any Talata Volonondry.

Helisoa

BEHARO

Teny tondro (Ny Valosoa Vaovao)

N° 321



Misy ny teny Malagasy ofisialy sy ny tenim-paritra

Ohatra : Valy = Vady

Valliny Teny Tondro (0320)

Mitsivalana

- Totozy
- Sisa – Tay
- Iditra
- Omby
- Adina – Ma
- Kila – Ao
- Mitokona (miv)
- Tao (miv) –

Mitsangana

- Tsipaka
- Dio (miv) – Din(a)
- Tsikilo
- Tao (miv) –
- Nak(a)
- Roa
- Maty (miv) – At
- BMOI
- Vlia

Famatsiana rian'aratra

Tsy voavaha, mbola mitohy tapatapaka lava foana ny jiro

Anisan'ny iray lehibe nanakianana mafy ny fitondrana Rajaonarimampianina ny tsy nahavahany ny olana amin'ny fahatapatapahan'ny jiro, na ny rian'aratra sy ny delestazy niverimberina matetika isan'andro vaky. Izy rahateo nilaza hahava ny olana tao anatin'ny telo volana hitondrany ny firenena. Niara-hahita sy niaina anefa fa tsy tafavoakany izany.

Niakatra teo amin'ny fitondrana i Andry Rajoelina ary niseho ho babany amin'ny famahana ity olana amin'ny famatsiana rian'aratra sy jiro ity. Dedaka mihitsy aza ny tenany tamin'io resaka io nandritry ny adihevitra mivantana nifanaovan'ireo kandidà samihafa tamin'ny haino aman-jery tao anaty fampielezan-kevitra fididianana filoham-pirenena. Toy ny hoe ho voavahany ao anaty fo-toana fohy ihany koa io olana io. 22 volana aty aoriania anefa tsy mivaha ny olana. Mbola miaina amin'ny fahatapatahan'ny jiro ny vahoaka. Ary tato ho ato, ankoatran'ny fisian'izany isan'andro, dia miha-maharitra ihany koa, tsy minitra fa ora maro, ny fahatapahana. Mazava loatra, fa tsy misy iavahany tamin'ny fitondrana teo aloha ny zava-misy ankehitriny. Mitovy ny tsy fahombiazan'ireo fitondrana ireo ho an'ny vahoaka. Ny fitondrana Rajoelina aza no mbola tsy mahomby kokoa, satria efa nahafantatra mialoha io olam-bahoaka io nialoha ny niakarany teo amin'ny fitondrana. Ary niseho ho mahay sy mahavita tsara lavitra noho ny teo alohany amin'ity lafiny famatsiana rian'aratra ity. Be ny fahavoazana ateraky ny fahatapahana tampoka ny rian'aratra, sy ny fiverenan'izany tampoka ihany koa avy eo. Maro ireo fitaovan'ny vahoaka simba, na ao antokantrano, na any am-piasana. Midika ho fatiantoka izany ary misy fiantraikany any amin'ny fidiram-bola sy ny fandaniana. Tsy miditra velively amin'ny fiheveran'ny fitondrana sy ny orinasa Jirama izany, ary tsy ao anaty kajiny ny amin'ny fanonerana izay simba any amin'ny mpanjifa any. Dia tsy maintsy ny vahoaka hatrany no mizaka ny yokatry ny tsy fahombiazan'izy ireo.

Radafy

TENY MIFANAPAKA

N° 321

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

Mitsivalana

1. Savoritaka
2. Fanampin'anarana (miv) – Mpanolotra (miv)
3. Fianakaviana – Naoty
4. Ongoty
5. Ao amin'ny Baiboly (miv) – Faranteny – Maharitra
6. Aro orana (miv) – Hazamaro (BR)
7. Zanak'i Dada – Anana
8. Lapan'ny mpanjaka – Vitsy, madinika (miv)
9. Mpriara-belona
10. Fotoana – Antsiben'Andriamanitra (miv)

Mitsangana

- A. Eny amin'ny habakabaka – Taova
- B. Ranom-bava (miv)
- D. Sakafon-jaza – Feo miverina (miv)
- E. Vokatry ny tany – Resy
- F. Nanambarana
- G. Vola tsy voaloa – Kianteny (miv)
- H. Mpanondro toerana – Karazam-by (miv)
- I. Mpanoritra – Naoty – Harena (miv)
- J. Faritra iray any Ambatondrazaka
- K. Mpanondro – Amboea

Valliny Teny mifanaraka 0320

Mitsivalana

1. Lakolosy 2. AV - Ao - Anio
3. Voankazo
4. Tia (miv) - Oty - Bâ
5. Mariaka
6. Nen(y) - Re
7. Arahaba
8. Tara - Ako
9. Roa - Fasana (miv)
10. Ombalahy

Mitsangana

- A. Lava - Sotro
- B. Miova (miv) - Moa (miv)
- D. Bararata (miv)
- E. Nao (miv) - Râ
- F. Lokoina - La (miv)
- G. Atrehina
- H. Saziana - Ha (miv)
- I. Ino ? - Basy
- J. Bardka
- K. Fora - Afo (miv)

An-tsary misongadina Ny Valosoa Vaovao

Helisoa

Nanao toha-drano tany Antanetikely Atsimondrano ny depiote Alain Ratsimbazafy avy amin'ny antoko Tiako i Madagasikara.



Nanolotra fanampiana ho an'ireo zokilona tao amin'ny kaominina Anosy Avaratra ny fikambanana « Izay Tia Mahafoy ».

